

全唐詩



全唐詩目 第五函

第十冊

韓愈

十卷

全唐詩

韓愈

韓愈字退之南陽人少孤刻苦爲學盡通六經百家貞元八年擢進士第才高又好直言累被黜貶初爲監察御史上疏極論時事貶陽山令元和中再爲博士改比部郎中史館脩撰轉考功知制誥進中書舍人又改庶子裴度討淮西請爲行軍司馬以功遷刑部侍郎諫迎佛骨謫刺史潮州移袁州穆宗卽位召拜國子祭酒兵部侍郎使王廷湊歸轉吏部爲時宰相所構罷爲兵部侍郎尋復吏部卒贈禮部尚書諡曰文愈自比孟軻闢佛老異端篤舊卹孤好誘進後學以之成名者甚衆文自

魏晉來拘偶對體日衰至愈一返之古而爲詩豪放不
避麤險格之變亦自愈始焉集四一卷內詩十卷外集
遺文十卷內詩十八篇今合編爲十卷

元和聖德詩

并序 初憲宗卽位劍南劉闢自稱留後以叛元和元年正月以高崇文爲左神策行營節度使討

闢九月克成都十月闢伏誅二年正月己丑朝獻於太清宮
庚寅朝享於太廟辛卯祀昊天上帝於郊丘還宮大赦天下

臣愈頓首再拜言臣伏見皇帝陛下卽位已來誅
流姦臣朝廷清明無有欺蔽外斬楊惠琳劉闢以
收夏蜀東定青齊積年之叛海內怖駭不敢違越
郊天告廟神靈歡喜風雨晦明無不從順太平之
期適當今日臣蒙被恩澤日與羣臣序立紫宸殿
陛下親望穆穆之光而其職業又在以經籍教導

國子誠宜率先作歌詩以稱道盛德不可以辭語
淺薄不足以自效為解輒依古作四言元和聖德
詩一篇凡千有二十四字指事實錄具載明天子
文武神聖以警動百姓耳目傳示無極其詩曰

皇帝即阼物無違拒曰暘而暘曰雨而雨維是元年有

盜在夏欲覆其州以踵近

一作其

武

先年德宗建中開李希烈朱泚等反至是楊惠琳劉闢繼踵而起此敘惠

琳據夏州出師征討有
力以為平劉闢發端

皇帝曰嘻豈不在我負鄙為艱縱則不

可出師征之其衆十

一作千

旅

時嚴綬在河東表請討惠琳詔與大德軍合擊之

軍其城下

告以福禍腹敗枝披不敢保聚擲首陴外降旛夜豎疆

外之險莫過蜀土韋臯去鎮劉闢守後血人於牙不肯

吐口開庫啗

宋刻作啖

士曰隨所取汝張汝弓汝鼓汝鼓汝為

表書求我帥汝事始上聞在列咸怒皇帝曰然嗟遠士
女苟附而安則且付與讀命於庭出節少府軼發京師
夕至其部闢喜謂黨汝振而伍蜀可全有此不當受萬
牛鬻灸一作肉萬甕行酒以錦纏股以紅帕首有恆其兇有
餌其誘其出穰穰隊以萬數遂劫東川遂據城阻皇帝
曰嗟其又可許爰命崇文分卒禁禦有安其驅無暴我
野日行五十徐壁其右闕黨聚謀鹿頭是守崇文奉詔
進退規矩戰不貪殺擒不濫數四方節度整兵頓馬上
章請討俟命起坐皇帝曰嘻無汝煩苦荆并洎梁荆謂荆
南節度
使裴均并謂河東節度使嚴
綬梁謂山南西道節度使嚴礪在國門戶出師三千各選爾醜四軍
齊作殷其如阜或拔其角或脫其距長驅洋洋無有齟

齧八月壬午闢棄城走載妻與妾包裹稚乳是日崇文
入處其宇分散逐捕搜原別藪闢窮見窘無地自處俯
視大江不見洲渚遂自顛倒若杵投臼取之江中枷脰
械手婦女纍纍啼哭拜叩來獻闕下以告廟社周示城
市咸使觀覩解脫纒索夾以砧斧婉婉弱子赤立傴僂
牽頭曳足先斷腰脅次及其徒體骸撐拄末乃取闢駭
汗如寫揮刀紛紜爭刈音計紕切也膾脯優賞將吏扶珪綴組
帛堆其家粟塞其庾哀憐陣沒廩給孤寡贈官封墓周
而宏溥經戰伐地寬免租簿施令酬功急疾如火天地
中間莫不順序幽恒青魏東盡海浦南至徐蔡區外雜
虜恒威報德踧踖蹈舞掉棄兵革私習簞簞來請來覲

十百其耦

一作數

皇帝曰吁伯父叔舅各安爾位訓厥眈眈

正月元日初見宗祖躬執百禮登降拜俯薦於新宮視

瞻梁杞

音昌楣也

感見容色淚落入俎侍祠之臣助我惻楚乃

以上幸於郊用牡除於國南鱗筍毛簏廬幕周施開揭

磊砢獸盾騰拏圓壇帖妥天兵四羅旂常婀娜駕龍十

二魚魚雅雅宵昇於丘奠璧獻竿衆樂驚作轟厯融冶

紫焰嘘呵高靈下隋羣星從坐錯落侈哆

丁可切又昌者切

日君月

妃煥赫嫫姬

嫫烏果切姬五果切身弱好也謂月妃

瀆鬼濛鴻嶽祗業峩飫沃

羶鄉產祥降嘏鳳皇應奏舒翼自拊赤麟黃龍透陀結

糾卿士庶人黃童白叟踴躍歡呀失喜噎歐乾清坤夷

境落褰舉帝車回來日正當午幸丹鳳門大赦天下滌

濯刻

初兩切又此兩切及石洗物

磨滅瑕垢續功臣嗣拔賢任考孩食

無告仁滂施厚皇帝神聖通達今古聽聰視明一似堯

禹生知法式動得理所天錫皇帝爲天下主并包畜養

無異細鉅億載萬年敢有違者皇帝儉勤盥濯陶瓦斤

遣浮華好此綈紵勅戒四方侈則有咎天錫皇帝多麥

與黍無召水旱耗於一作無耗雀鼠億載萬年有富無窶皇帝

正直別白善否擅命而狂旣翦旣去盡逐羣姦靡有遺

侶天錫皇帝厯臣碩輔博問遐觀以置左右億載萬年

無敢余侮皇帝大孝慈祥悌友怡怡愉愉奉太皇后浹

於族親濡及九有天錫皇帝與天齊壽登茲太平無怠

永久億載萬年爲父爲母博士臣愈職是訓詁作爲歌

詩以配吉甫

琴操十首

將歸操

孔子之趙聞殺鳴犢作

趙殺鳴犢孔子臨河歎而作歌曰秋之水少風揚波舟楫顛倒更加歸來歸

來胡為斯

秋之水兮其色幽幽我將濟兮不得其由涉其淺兮石
齧我足乘其深兮龍入我舟我濟而悔兮將安歸尤歸
兮歸兮無與石鬪兮無應龍求

猗蘭操

孔子傷不逢時作

古琴操公習習谷風以陰以雨之子于歸遠送于野何彼蒼天不得其所道遙九州無有定處

世人聞教不知賢者年紀漸邁一身將老

蘭之猗猗揚揚其香不採而佩於蘭何傷今天之旋其
局爲然我行四方以日以年雪霜貿貿音茂薺麥之茂子
如不傷我不爾覲薺麥之茂薺麥之有君子之傷君子
之守

龜山操

孔子以季桓子受齊女樂諫不從望龜山而作龜山

在太山博縣古琴操云子欲望魯
兮龜山救之手無斧柯奈龜山何

龜之氛一作氣

氣

兮不能雲一作爲

爲

雨龜之旃

牙葛切
亦作藥

兮不中梁柱龜

之太兮祗以奄魯知將隳兮哀莫余伍周公有鬼一作思兮

嗟余歸輔

越裳操

周公作

古琴操云於戲嗟嗟非旦之力乃文王之德

雨之施物以孳我何意於彼為自周之先其艱其勤以有疆宇私我後人我祖在上四方在下厥臨孔威敢戲以侮孰荒於門孰治於田四海既均越裳是臣

拘幽操

文王姜里作

古琴操云殷道溷溷浸濁煩兮朱紫相合不別分兮迷亂聲色信讒言兮炎炎之虐使我愁兮幽閉牢窞由其

言文王姜里作人憂勤勤兮

目窈窈

一作

兮其凝其盲耳肅肅兮聽不聞聲朝不一有日

出兮夜不見月與星有知無知兮為死為生嗚呼臣罪

當誅兮天王聖明

岐山操

周公為太王作

本詞云狄戎侵兮土地遷移邦邑適於岐山
烝民不憂兮誰者知嗟嗟奇何兮予命遭斯

我家於豳自我先公伊我承序敢有不同今狄之人將
土我疆民為我戰誰使死傷彼岐有岨我往獨處爾一作人
莫余追無思我悲

履霜操

尹吉甫子伯奇無罪為後母譖而見逐自傷作本詞

云朝履霜兮採晨寒考不明其心兮信讒言孤恩別離兮催肺肝
何辜皇天兮遭斯愆痛歎不同兮思有偏誰能流顧兮知我冤

父兮兒寒母兮兒飢兒罪當答逐兒何為兒在中野以
宿以處四無人聲誰與兒語兒寒何衣兒飢何食兒行
於野履霜以足母生衆兒有母憐之獨無母憐兒寧不
悲

雉朝飛操

牧犢

一作冰讀

子七十無妻見雉雙飛感之而作

本詞云雉朝飛兮鳴相和

雌雄羣遊兮山之阿我獨何命兮未有
家時將暮兮可奈何嗟嗟暮兮可奈何

雉之飛於朝日羣雌孤雄意氣橫出當東而西當啄而

飛隨飛隨啄羣雌粥粥嗟我雖人曾不如彼雉雞生身

七十年無一妾與妃

一本無雞字下語
妃音雌與雞叶

別鵠操

商陵穆子娶妻五年無子父母欲其改娶其妻聞

之中夜悲嘯穆子感之而作

本詞云將垂比翼隔天端山川
悠遠路漫漫攬衾不寐食忘飧

雄鵠

樂府詩集作雄
鶴以下鵠俱作鶴

銜枝來雌鵠啄泥歸巢成不生子大

義當乖離江漢水之大鵠身鳥之微更無相逢日且可

繞樹相隨飛

樂府作更無相逢
日安可相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何
爲兮覺坐而思巫咸上天兮識者其誰

南山詩

吾聞京城南茲惟羣山囿東西兩際海巨細難悉究山
經及地志茫昧非受授團辭試提挈挂一念萬漏欲休
諒不能粗叙所經觀嘗昇崇丘望戢戢見相湊晴明出
稜角縷脈碎分繡蒸嵐相瀕胡孔切洞表裏忽通透無風自
飄簸融液煦柔茂橫雲時平凝點點露數岫天空浮脩